

## **Ծրագրի հիմնարար դրույթներ (ToR)**

ԼԳԲՏԶԻ+ անձանց և/կամ նրանց կողմից ղեկավարվող փոքր բիզնես  
նախաձեռնությունների ենթադրամաշնորհային ծրագիր

### **1. Նախապատմություն**

Հայաստանում ԼԳԲՏԶԻ+ անձինք հաճախ բախվում են տնտեսական ներառման համակարգային խոչընդոտների՝ խտրականություն աշխատավայրում, ֆինանսական ռեսուրսների սահմանափակ հասանելիություն և սահմանափակ հնարավորություններ ձեռնարկատիրության ոլորտում:

Հայտարարված փոքր դրամաշնորհային ծրագիրը նպատակ ունի հզորացնել ԼԳԲՏԶԻ+ անձանց՝ փոքր բիզնեսի ստեղծման և զարգացման համար ուղիղ ֆինանսական աջակցությամբ՝ ԼԳԲՏԶԻ+ համայնքի շրջանակներում տնտեսական անկախությունը, տեսանելիությունը և արժանապատվությունը խթանելուն ուղղված ջանքերի կարևոր մաս կազմելով:

### **2. Ֆինանսական աջակցության նպատակը**

- Աջակցել ԼԳԲՏԶԻ+ անձանց՝ եկամտի ստեղծման կամ ընդլայնման նպատակով տնտեսական գործունեություն մշակելու կամ զարգացնելու գործընթացում,
- Նպաստել տնտեսական հզորացմանն ու կայունությանը,
- Խթանել ներառական և արդար ձեռներեցությունը,
- Խրախուսել այն բիզնես գաղափարները, որոնք նպաստում են բազմազանությանն ու ներառմանը,

### **3. Ֆինանսավորման ծավալը**

Դրամաշնորհի չափը՝ մինչև €2,500 յուրաքանչյուր ընտրված նախագծի/նախաձեռնության համար:

### **Թույլատրված ծախսեր՝**

- սարքավորումների ձեռքբերում,
- հոլմքի գնում,
- նախնական շուկայավորման ծախսեր,
- իրավական գրանցում,
- բիզնես տարածքի վարձակալություն,
- ցանկացած այլ հիմնավորված մեկնարկային/զարգացման ծախսեր:

### **Չթույլատրված ծախսեր՝**

- անձնական ծախսեր,
- վարկերի մարումներ,
- գործունեություն, որը նպաստում է խտրականությանը,
- չգրանցված բիզնեսներ, որոնք ունեն բարձր իրավական կամ ֆինանսական ռիսկեր:
- ՀՀ ԶՕ հանցագործություն պարունակող գործունեություն:

### **4. Համապատասխանության չափանիշներ**

Հայտատուները պետք է համապատասխանեն հետևյալ պայմաններին՝

1. Նույնականանալ՝ որպես LQFSԶԻ+ համայնքի անդամ: Ինքնության մասին տեղեկացումից բացի՝ որևէ ապացույց ներկայացնել անհրաժեշտ չէ,
2. Լինել առնվազն 18 տարեկան դիմումը լրացնելու պահին,
3. Լինել Հայաստանի Հանրապետության քաղաքացի կամ ներկայացնել Հայաստանում առնվազն 1 տարի բնակության երաշխիք, և բիզնեսը ամբողջությամբ իրագործել Հայաստանում,
4. Էլեկտրոնային համակարգի միջոցով ներկայացնել հստակ բիզնես նախագիծ, որը ներառում է նպատակները, իրագործման պլանը և ակնկալվող արդյունքները,
5. Ապահովել խտրականությունից զերծ բիզնես վարքագիծ:

6. Պատրաստ լինել մասնակցելու մոնիթորինգի, բիզնեսի զարգացումների վերաբերյալ հաշվետվական գործընթացների, ըստ պահանջի:
7. Ենթադրամաշնորհին կարող են դիմել, որպես անհատ, իրավաբանական անձ կամ ՀԿ անկախ թիմի մեծությունից գումարը չի ավելանում:

## **Ուշադրություն՝**

**Առաջնահերթություն կտրվի այն հայտատուներին, որոնք նախկինում չեն ստացել ֆինանսավորում և/կամ նուրբական և ոչ նյութական աջակցություն այս կամ նմանատիպ ծրագրերի միջոցով:**

## **5. Ընտրության գործընթաց**

Հայտերի գնահատումն իրականացվելու է անկախ՝ ընտրող հանձնաժողովի՝ ՆԱՀԿ խորհրդակցական խորհուրդի կողմից՝ հիմնվելով հետևյալ չափանիշների վրա:

- Բիզնես գաղափարի հստակությունն ու իրագործելիությունը;
- Հնարավոր ազդեցություն (տնտեսական և/կամ համայնքային);
- Ներառականություն և էթիկապես պատշաճ գործունեություն;
- Իրատեսական բյուջե և կայունության հեռանկար:

Ընտրված հայտատուները կարող են հրավիրվել կարճ հարցազրույցի և/կամ գաղափարի ներկայացման շնորհանդեսի:

## **6. Հաշվետվություն**

- Ընտրված դրամաշնորհառուները պետք է ներկայացնեն կարճ նկարագրական և ֆինանսական հաշվետվություն (ենթադրամաշնորհի ստացումից 3 ամսվա ընթացքում համաձայն պայմանագրի).
- Ենթադրամաշնորհատուն պետք է ատրաստ լինի ծրագրի իրականացման և ստացված արդյունքների մասին ներկայացնի շնորհանդես համաձայն պայմանագրի:

## 7. Ժամանակացույց և դրամաշնորհի չափ

|                                    |                                         |
|------------------------------------|-----------------------------------------|
| ✓ Դրամաշնորհի հայտարարության սկիզբ | 2025թ-ի օգոստոսի 15                     |
| ✓ Հայտադիմումների ընդունման փուլ   | 2025թ. օգոստոսի 15-ից սեպտեմբերի 15-ը   |
| ✓ Չնահատում և ընտրություն          | 2025թ. -ի սեպտեմբերի 16-ից 30-ը         |
| ✓ Արդյունքների հրապարակում         | 2025թ. հոկտեմբերի 1-ից 6-ը              |
| ✓ Իրագործման փուլ                  | Մինչև 3 ամիս դրամաշնորհի ստացումից հետո |
| ✓ Դրամաշնորհի առավելագույն չափ     | 2,500 եվրո                              |

**Ուշադրություն՝** յուրաքանչյուր անհատ կամ թիմ կարող է ներկայացնել միայն մեկ դրամաշնորհային ծրագիր, թիմով դրամաշնորհային ծրագրին դիմելը ողջունելի է, բայց գումարի առավելագույն չափը չի կարող փոփոխվել:

## 8. Ինչպե՞ս դիմել

**Հայտերը պետք է ներկայացվեն մինչև 2025թ. -ի սեպտեմբերի 15-ը՝  
Էլեկտրոնային հայտադիմումով:**

### 8. 1 Կից ներկայացվող անհրաժեշտ փաստաթղթերի ցանկ

- Բյուջե
- Ժամանակացույց
- Անձը հաստատող փաստաթղթի էլեկտրոնային պատճենը
- Իրավաբանական անձի դեպքում համապատասխան վկայականի և կանոնադրության էլեկտրոնային տարբերակը

### 8. 2 Կոնտակտային տվյալներ

Հարցերի կամ դիմումների հետ կապված խնդրում ենք կապ հաստատել գրավոր՝  
նամակ ուղարկելով հետևյալ էլ-հասցեին՝  [contact@ngngo.net](mailto:contact@ngngo.net)

 [www.ngngo.net](http://www.ngngo.net)

**Ելնելով ՆՍՀԿ ընթացակարգերից և տեխնիկական հնարավորություններից՝  
մրցույթի արդյունքների վերաբերյալ տեղեկատվություն կտրվի միայն այն  
հայտատուներին, որոնց հայտերը կհաստատվեն:**